

Wednesday Night Nach at Beth Abraham – Winter 5783 series

***One of Dovid's Greatest Grandsons:
Stories, Tefillos and Miracles of Chizkiyahu***

*Exploring some of the spiritual growth, personal struggles and military miracles
that marked the lives of King Chizkiyahu and Yeshayahu ha-Navi.*

**חזקיהו המלך - א'
מלכים (ב' פרק י"ח) – חזקיהו ואשור**

(א) ויהי בשנת שלש להושע בן אלה מלך ישראל מלך חזקיה בן אחז מלך יהודה.

(ב) בן עשרים וחמש שנה היה במלכו ועשרים ותשע שנה מלך בירושלם ושם אמו אבי בת זכריה.

(ג) ויעש הישר בעיני יהוה ככל אשר עשה דוד אביו.

(ד) הוא הסיר את הבמות ושבר את המצבת וכרת את האשרה וכרת נחש הנחשת אשר עשה משה כי עד הימים ההמה היו בני ישראל מקטרים לו ויקרא לו נחשתן.

(ה) ביהוה אלהי ישראל בטח ואחריו לא היה כמהו בכל מלכי יהודה ואשר היו לפניו.

(ו) וידבק ביהוה לא סר מאחריו וישמר מצותיו אשר צוה יהוה את משה.

(ז) והיה יהוה עמו בכל אשר יצא ישכיל וימרד במלך אשור ולא עבדו.

(ח) הוא הכה את פלשתים עד עזה ואת גבוליה ממגדל נוצרים עד עיר מבצר.

(ט) וַיְהִי בַשָּׁנָה הָרְבִיעִית לְמֶלֶךְ חֲזַקְיָהוּ הָיָא הַשָּׁנָה הַשְּׁבִיעִית לְהוֹשֵׁעַ בֶּן אֱלֹהֵי מֶלֶךְ יִשְׂרָאֵל עָלָה שְׁלֹמֹנָאֶסֶר מֶלֶךְ אַשּׁוּר עַל שְׁמֵרוֹן וַיִּצַר עָלֶיהָ.

(י) וַיִּלְכְּדָהּ מִקְצֵה שְׁלֹשׁ שָׁנִים בַּשָּׁנָה שֵׁשׁ לְחֲזַקְיָהוּ הָיָא שָׁנַת תַּשְׁעָה לְהוֹשֵׁעַ מֶלֶךְ יִשְׂרָאֵל נִלְכְּדָה שְׁמֵרוֹן.

(יא) וַיִּגַּל מֶלֶךְ אַשּׁוּר אֶת יִשְׂרָאֵל אֲשׁוּרָה וַיִּנְחַס בַּחֲלָח וּבַחֲבוּר נָהַר גּוֹזָן וְעָרֵי מְדֵי.

(יב) עַל אֲשֶׁר לֹא שָׁמְעוּ בְּקוֹל יְהוָה אֱלֹהֵיהֶם וַיַּעֲבְרוּ אֶת בְּרִיתוֹ אֶת כָּל אֲשֶׁר צִוָּה מֹשֶׁה עֶבֶד יְהוָה וְלֹא שָׁמְעוּ וְלֹא עָשׂוּ.

(יג) וּבְאַרְבַּע עָשָׂר שָׁנָה לְמֶלֶךְ חֲזַקְיָהוּ עָלָה סַנְחֲרִיב מֶלֶךְ אַשּׁוּר עַל כָּל עָרֵי יְהוּדָה הַבְּצֻרוֹת וַיִּתְּפָשׂם.

(יד) וַיִּשְׁלַח חֲזַקְיָהוּ מֶלֶךְ יְהוּדָה אֶל מֶלֶךְ אַשּׁוּר לְכִישָׁה לֵאמֹר חֲטָאתִי שׁוּב מֵעָלַי אֶת אֲשֶׁר תַּתֵּן עָלַי אֲשָׂא וַיִּשֶׂם מֶלֶךְ אַשּׁוּר עַל חֲזַקְיָהוּ מֶלֶךְ יְהוּדָה שְׁלֹשׁ מֵאוֹת כֶּסֶף וּשְׁלֹשִׁים כֶּכַר זָהָב.

(טו) וַיִּתֵּן חֲזַקְיָהוּ אֶת כָּל הַכֶּסֶף הַנִּמְצָא בֵּית יְהוָה וּבְאֲצֻרוֹת בַּיִת הַמֶּלֶךְ.

(טז) בַּעַת הַהִיא קִצֵּץ חֲזַקְיָהוּ אֶת דְּלֹתוֹת הַיֵּכָל יְהוָה וְאֶת הָאֲמֹנוֹת אֲשֶׁר צָפָה חֲזַקְיָהוּ מֶלֶךְ יְהוּדָה וַיִּתְּנֵם לְמֶלֶךְ אַשּׁוּר.

(יז) וַיִּשְׁלַח מֶלֶךְ אַשּׁוּר אֶת תַּרְתָּן וְאֶת רַב סָרִיס וְאֶת רַב שָׂקָה מִן לְכִישׁ אֶל הַמֶּלֶךְ חֲזַקְיָהוּ בְּחֵיל כְּבֹד יְרוּשָׁלַם וַיַּעֲלוּ וַיָּבֹאוּ יְרוּשָׁלַם וַיַּעֲלוּ וַיָּבֹאוּ וַיַּעֲמְדוּ בַתְּעֻלַת הַבְּרֵכָה הָעֲלִיוֹנָה אֲשֶׁר בְּמַסְלַת שְׂדֵה כּוֹבֵס.

(יח) וַיִּקְרְאוּ אֶל הַמֶּלֶךְ וַיֵּצֵא אֲלֵהֶם אֱלִיקִים בֶּן חֲלַקְיָהוּ אֲשֶׁר עַל הַבַּיִת וְשִׁבְנָה הַסֹּפֵר וַיֹּאחַז בֶּן אֶסָף הַמְּזַכִּיר.

(יט) וַיֹּאמֶר אֲלֵהֶם רַב שָׂקָה אָמְרוּ נָא אֶל חֲזַקְיָהוּ כֹה אָמַר הַמֶּלֶךְ הַגְּדוֹל מֶלֶךְ אַשּׁוּר מָה הַבְּטָחוֹן הַזֶּה אֲשֶׁר בְּטַחַתְּ.

(כ) אָמְרַתְּ אֵךְ דָּבַר שְׁפָתַיִם עֲצָה וּגְבוּרָה לְמַלְחָמָה עִתָּה עַל מִי בְטַחַתְּ כִּי מְרֹדֶת בִּי.

(כא) עִתָּה הִנֵּה בְטַחַתְּ לָךְ עַל מִשְׁעַנֵּת הַקֶּנֶה הָרִצּוּץ הַזֶּה עַל מִצְרַיִם אֲשֶׁר יִסְמְךָ אִישׁ עָלָיו וּבָא בְכַפּוֹ וּנְקָבָהּ כִּן פָּרְעָה מֶלֶךְ מִצְרַיִם לְכָל הַבְּטָחִים עָלָיו.

(כב) וְכִי תֹאמְרוּן אֵלַי אֶל יְהוָה אֱלֹהֵינוּ בְטַחְנוּ הַלּוֹא הוּא אֲשֶׁר הִסִּיר חֲזַקְיָהוּ אֶת בְּמִתּוֹ וְאֶת מִזְבְּחֹתָיו וַיֹּאמֶר לַיהוּדָה וְלִירוּשָׁלַם לִפְנֵי הַמִּזְבֵּחַ הַזֶּה תִּשְׁתַּחֲוּוּ בִירוּשָׁלַם.

(כג) ועתה התערב נא את אדני את מלך אשור ואתנה לך אלפים סוסים אם תוכל לתת לך רכבים עליהם.

(כד) ואיך תשיב את פני פחת אחד עבדי אדני הקטנים ותבטח לך על מצרים לרכב ולפרשים.

(כה) עתה המבלעדי יהוה עליתי על המקום הזה להשחתו יהוה אמר אלי עלה על הארץ הזאת והשחיתה.

(כו) ויאמר אליקים בן חלקיהו ושבנה ויואח אל רב שקה דבר נא אל עבדיך ארמית כי שמעים אנחנו ואל תדבר עמנו יהודית באזני העם אשר על החמה.

(כז) ויאמר אליהם רב שקה העל אדניך ואליך שלחני אדני לדבר את הדברים האלה הלא על האנשים הישבים על החמה לאכל את חריהם [צואתם] ולשתות את שיניהם [מימי רגליהם] עמכם.

(כח) ויעמד רב שקה ויקרא בקול גדול יהודית וידבר ויאמר שמעו דבר המלך הגדול מלך אשור.

(כט) כה אמר המלך אל ישיא לכם חזקיהו כי לא יוכל להציל אתכם מידו.

(ל) ואל יבטח אתכם חזקיהו אל יהוה לאמר הצל יצילנו יהוה ולא תנתן את העיר הזאת ביד מלך אשור.

(לא) אל תשמעו אל חזקיהו כי כה אמר מלך אשור עשו אתי ברכה וצאו אלי ואכלו איש גפנו ואיש תאנתו ושתו איש מי בורו.

(לב) עד באי ולקחתי אתכם אל ארץ בארצכם ארץ דגן ותירוש ארץ לחם וכרמים ארץ זית יצהר ודבש וחיו ולא תמתו ואל תשמעו אל חזקיהו כי יסית אתכם לאמר יהוה יצילנו.

(לג) ההצל הצילו אלהי הגוים איש את ארצו מיד מלך אשור.

(לד) איה אלהי חמת וארפד איה אלהי ספרונים הנע וענה כי הצילו את שמרון מידי.

(לה) מי בכל אלהי הארצות אשר הצילו את ארצם מידי כי יציל יהוה את ירושלים מידי.

(לו) והחרישו העם ולא ענו אתו דבר כי מצות המלך היא לאמר לא תענהו.

(לז) ויבא אליקים בן חלקיה אשר על הבית ושבנא הספר ויואח בן אסף המזכיר אל חזקיהו קרועי בגדים ויגדו לו דברי רב שקה.